



Advokat Suljagić: Zastupa rođaka



Pelivan: Ljudi su prevareni

Rješavanje žalbe Mustafe Suljagića

Presuda iz Strazbura bit će model sudijama

Pozitivnoj presudi u Suljagićevom predmetu nadaju se hiljade bh. štediša

Mustafa Suljagić uštedio je blizu 270.000 KM radeći duže od 20 godina kao poštar, građevinski radnik i zanatlija širom Evrope. Skoro isto toliko godina Suljagić pokušava vratiti novac koji je položio na devizni štedni račun Privredne banke Sarajevo.

Pasivnost države

U vrijeme bivše Jugoslavije devizni računi bili su prihvaćeni kao jedini stabilan način štednje. Danas 73-godišnji Suljagić živi s dijagnozom - tumor na mozgu.

- Može bit da ne bih ni obolio da mi nisu uzeli sve i da nije bilo ove sekiracije - kaže Suljagić, o čijoj žalbi za povrat uštedevine trenutno odlučuje Sud za ljudska prava u Strazburu.

Pozitivnoj presudi u Suljagićevom predmetu nadaju se hiljade bh. štediša koje su prije rata uštedevinu povjerile bankama i

Sporni zakon

Zakon o izmirenju obaveza po osnovu računa stare devizne štednje propisuje da će iznosi iznad 1.000 KM biti isplaćeni ne u novcu već obveznicama, i to u godišnjim ratama najkasnije do kraja 2016. godine. Godišnja kamata na štednju iznositi će 0,5 posto za period od januara 1992. do aprila 2006., kada je Zakon usvojen. Od tada pa do konačne isplate bit će obračunata godišnja kamata od 2,5 posto.

nikada je više nisu vidjele. Suljagić je angažirao daljeg rođaka, advokata Emira Suljagića, da ga zastupa, a Sud u Strazburu trenutno odlučuje jesu li on i ostale štediše žrtve sistema ili je BiH učinila razumne napore da ih obešteti.

Jure Pelivan, nekadašnji predsjednik Vlade BiH i dugogodišnji član uprave Narodne, a kasnije i Centralne banke BiH, smatra to apsurdnim.

- Nema govora da je država činila razumne napore. Građani

su ovdje prevareni, nasamareni, uvijek proveli štedeći - navodi Pelivan, dok za političare kaže:

- Neki su čak otvoreno u Državnom parlamentu govorili da štediše neće dobiti ništa i da je njihove uštedevine pojelo rat.

Bili zaprepašteni

Presuda u Suljagićevom predmetu postat će model sudijama za razmatranje drugih žalbi bh. štediša, uključujući 13.438 predmeta koji su do sada upućeni posredstvom Udruženja građana za povrat stare devizne štednje u BiH i dijaspori.

Predsjednik ovog udruženja sa sjedištem u Banjoj Luci Svetozar Nišić kaže da su članovi bili zaprepašteni kada su saznali da je Ustavni sud BiH odlučio da je Zakon o izmirenju obaveza po osnovu računa stare devizne štednje iz 2006. godine fer i u skladu s Ustavom BiH. Smatra, ipak, da to „neće proći u Strazburu“.

Centar za istraživačko novinarstvo

Ne vjeruje u obveznice

Osim što Mustafa Suljagić nema vremena za gubljenje, on također nema povjerenja u državne obveznice. Kaže da je već jednom prevaren kada je šezdesetih godina kupio jugoslavenske obveznice

koje su, nakon nekoliko godina, potpuno izgubile vrijednost. Iako je Zakon usvojen prije tri godine, Vlada FBiH još nije počela štampati obveznice, dok su u RS one dostupne od početka 2008.